



Ifa Ussun Ómw Kopwe Pénúweni Esinesin Ren Ómw Kopwe Ne Tou Seni En Imw/Neni



Napengeni iteiten fansoun meinisin ewe souimw EPWE awora eché esinesin me mwen epwe popotá angangen an epwe ne atou emén seni imw/neni. Ei esinesin epwe keit ngeni en aramas iká pachepachetá wón asam/asamacho IKÁ titinó ngeni pwórun posto.

IEI USSUN NIKINIKIN NAPENGENI EKKAN ESINESIN

Ménatiw-Iká-Tou

- Epwe wor eché esinesin epwe kawor ngonuk nón 14 iká 30 ráán iká pwe ka mang ne méni niwinin imwomw na (rent)
- Ménatiw niwinin imomw na (ómw rent) pwan masowan en mei aia me nón ren fifi kónik me pwan ekkóch me núkkún ekkei me mwen ewe sáingonón ráán ewe souimw epwe tongeni etiwa, pwún epwe ékéúnói an esapw wanong taropwe nón imwen képwúng ómw kopwe ne tou seni ena neni. Esópw chék niwinin e kamétiw esapw ékéúnói ar repwe atokou.
- Souimw rese tongeni ar repwe chiwen awora kókkót ómw kopwe mén sefáni ómw niwinimang iká angangen afér.

Esinesin ren ómw kopwe Épwénúetá Met Kopwe Féri Iká Tou:

- Mei mwuumwuu ngonuk 10 ráán ómw kopwe épwúngú ew énnúk/énnúkkún masowen taropwen imwomw na ke atai
» (Osukosuken ékúrang, nimenim, supwa, me aramas/maan mei énnúk ngenir ar repwe nómw nón....)
- Atawei ena osukosuk nón úkkúkkún 10 ráán, sópwenó ne épwénúetá énnúkún met kopwe féri nón úkkúkkún 60 ráán ómw kopwe epeti ómw kosapw tou
- Iká pwe ke chék féri 4 me neir nón úkkúkkún 12 maram, mei tongeni ómw kopwe tou ina mwo iká pwe ka épwénúetá met kopwe féri

IFA USSUN ÓMW KOPWE PÉNÚWENI

- Kosapw éménúngaw seni me tunanó ekkewe esinesin pwún noumw ewe souimw ete wanong eché taropwe ngeni képwúng an epwe ne képwúng ngonuk ómw kopwe ne tou.
- Anen ómw kopwe epeti an epwe tonong taropwe ngeni képwúng ómw kopwe ne tou iwe kopwe méni, épwénúetá met kopwe féri me énnúkún, iká tou nón ewe fansoun mei afatetiw nón ewe taropwen esinesin.
- Pórous ngeni noumw ewe souimw nón ómw (maakengeni/email) pwún epwe wor rekort epwe pwáranó pwe en mei épwénúetá éúrréúromw iká fen mwékútu seni ena neni.

KÚÚT ÁNINIS REN PEKIN ÉNNÚK

Iká pwe e wor ómw osukosuk ren noumw ewe souimw, nge ese mwo wor taropwe seni képwúng ómw kopwe ne tou, pórous ngeni ewe CCVLP Housing Justice Project

- Kékkéri **360-334-4007**
- Email: **info@ccvlp.org**

Iká pwe ka angei taropwen akkékké ómw kopwe ne nó ngeni képwúng (taropwen képwúng) ren ómw kopwe ne tou, mei wor ómw pwúng an epwe wor noumw sou-énnúk epwe ánisuk nge kesapw pwan méni.

- Kékkéri **360-334-4007**
- Email: **evictiondefense@ccvlp.org** *Iká*
- Kékkéri ewe nampan Eviction Defense Screening (Ewe nampa kopwe tongeni kékkénongei iká repwe tongeni ánisuk nón imwen képwúng iká kopwe ne tou seni en imw/neni)

KAPASEN ÉÚRÉÚR A MEN UNUSEN AÚCHEA NGENI CHÓÓN RENT IMWER/NENIER

Kapaseen Éúréúr #1: Maaketiw mettóch meinisin ke féri ngeni noumw ena souimw.

- Ákkáewin nupwen e wor met ke mwochen epwe fér iká awora esinesin nupwen e wor met noumw ena souimw e féri mei mwán
- Email, póróus nón text, iká taropwe
- Awora eché noumw kapin epwe nómw ena pwinin maram wón

Kapaseen Éúréúr #2: Méni rent iká niwinin imwomw na akkomw me pwan nón ewe fansoun epwe tetiw

- KOSAPW ÉMWÉCHÚ RENT (NIWININ IMWOMW NA) ina mwo iká pwe ena souimw e féri éóch mettóch mei mwán, pokiten ina esapw wor met epwe chiwen túmwúnú ne eppetí ómw kosapw tou
 - » Akkomw ménatiw, iwe mwúrin kopwe angang wón ena osukosuk
- Méni niwinin rent (imw) me mwen ómw niwinimang meinisin iká pwan met kopwe ménau
 - » A men weires an epwe wor áninis ren niwinin rent. Mei mecheres ómw kopwe kúnékún áninis ren mwéngé, masowen nón imw en mei aia ren fifi kónik me pwan ekkóch me núkkún

Kapaseen Éúréúr #3: Fichi sasingin mettóch meinisin me isóni kapin

- Atun ka mwékútúnong me mwékútúu
- Atun fansoun a wor osukosuk iká atun fansoun e wor met e taa

Kapaseen Éúréúr #4: Ánea masowen ewe taropwe etipew ren imwomw na

- Ekkewe chék aramas re maakenong nón imwomw na iir chék re tongeni nómw nón ena neni ke rentini
- Túmwúnéóch ngeni ekkewe sáingonón ráán epwe tetiw niwinin rent me pwan ekkóch esinesin

Kapaseen Éúréúr # 5: Iká ka angei noumw taropwe ómw kopwe nó ngeni képwúng ómw kopwe ne katou, nó ngeni imwen képwúng.

- Kútta Ewe Order to Show Cause (Eché taropwen esinesin seni képwúng ómw kopwe fiti képwúng ren ómw kopwe awewei popun me wewen esapw fiis ei mwékútúkút)

Kapaseen Éúréúr #6: Kékkéri kich ren ach sipwe ánisuk!

- Iká pwe ka angei noumw taropwen képwúng: iká
- Iká pwe e wor ekkóch ómw osukosuk ngeni noumw na souimw iká ke angei esinesin seni noumw souimw: 360-334-4007